

**გაეროს ეროვნული საავიაციო აჭარის პილოტაჟორკოლონიური ობსერვატორიის მონიტორინგი**

დღეს მოსალოდნელია წვიმა, მთაში - თოვა, დასავლეთის მიმართულებების ქარი - 10-15 მეტრი წამში, ტემპერატურა სანაპირო რაიონებში - 7-12, შიდა მთიან რაიონებში - 1-6, მაღალ მთაში - 0-5 გრადუსი სითბო. ზღვის წყლის ტემპერატურა 11 გრადუსია, ატმოსფერული წნევა - 760 მილიმეტრი. მომდევნო 2 დღეს მოსალოდნელია დროგაამოშვებით წვიმა, მთაში - თოვა.

**კრიკოსი N10**

პარლამენტის ბიუროს გადაწყვეტილებით, 2022 წლის 14 მარტს პარლამენტის პლენარულ სხდომაზე საქართველოს პრეზიდენტის ყოველწლიურ მოხსენებას მოისმენენ. ჩვენ გვქონდა კონსულტაცია საქართველოს პრეზიდენტთან და პრეზიდენტის ადმინისტრაციასთან. შეთანხმებული პოზიციაა, რომ პრეზიდენტის ყოველწლიური მოხსენება გაიმართოს 14 მარტს, 12 საათზე. ეს არის სასესიო კვირა, თუმცა არ არის სხდომის დღე და ამიტომ ეს გადაწყვეტილება უნდა მიიღოს ბიურომ და ჩანიშნოს სხდომა, - განაცხადა პარლამენტის თავმჯდომარე შალვა პაპუაშვილმა.

პარლამენტის თავმჯდომარე ნატოს სამეკავშირეო ოფისის ახალ ხელმძღვანელს ალექსანდრე ვინიკოვს შეხვდა. შალვა პაპუაშვილმა მადლიერება გამოხატა ნატოს მიერ საქართველოს სუვერენიტეტისა და ტერიტორიული მთლიანობის მტკიცე მხარდაჭერისთვის და ქვეყნის თავდაცვისუნარიანობის გაუმჯობესებაში შეტანილი წვლილისათვის. მხარეებმა ისაუბრეს ნატო-საქართველოს ურთიერთობებზე. პარლამენტის თავმჯდომარემ დაგმო რუსეთის შეჭრა უკრაინაში, ყურადღება გაამახვილა უსაფრთხოების კუთხით მთელ რეგიონში არსებულ მძიმე ვითარებაზე და აღნიშნა, რომ ახლა განსაკუთრებით მნიშვნელოვანი და საჭიროა საქართველოსა და უკრაინის ნატოში ინტეგრაცია.

გავრცელებული საუბრები, რომ საქართველოში უბრძვლად იმბატო რუსეთის მოქალაქეების შემოსვლამ, არ არის მართალი, - ამის შესახებ შინაგან საქმეთა მინისტრმა ვანტან გომელაურმა განაცხადა. მისი თქმით, 24 თებერვლიდან დღემდე, საქართველოში რუსეთის 20 000-ზე მეტი მოქალაქე შემოვიდა, მათ შორის, როდესაც 2019 წლის ანალოგიურ პერიოდში 40 000 იყო შემოსული. მისივე თქმით, ქართულ მხარეს საზღვარზე კონტროლი გამკაცრებული აქვს. „სახელმწიფო საზღვარი კონტროლდება ძალიან მაღალ დონეზე“, - განაცხადა მინისტრმა.

„ნაციონალური მოძრაობის“ ლიდერის ნიკა მელიას განცხადებით, რუსეთის მიერ შექმნილ შიდა პლასტიკური ბარათების სისტემა „მირს“ შეუერთდა ქართული ავიაკომპანია „ჯორჯიან ეარაილსი“, რითაც ხელს უწყობს რუსეთის ფიზიკურ და იურიდიულ პირებს დაწესებული სანქციებისთვის გვერდის ავლაში. „მე სანქციებს არ ვუერთდები - სახელმწიფო არ ვარ, კერძო კომპანია ვარ. მე მინტერესებს ბილეთი გავყიდო, რით გაიყიდება, არ მაღარდებს“, - განაცხადა „ჯორჯიან ეარაილსის“ ხელმძღვანელმა თამაზ გაიაშვილმა.

მომზადდა ია შველიძემ

**საქართველოში მედიკამენტების ტურქული ბაზრის გახსნაზე ისაუბრეს**

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრი ზურაბ ახარაშვილი თურქეთში ოფიციალური ვიზიტით იმყოფება. თავდაპირველად იგი თურქეთის ფარმაცევტული პროდუქტებისა და სამედიცინო აღჭურვილობის სააგენტოს ხელმძღვანელებს შეხვდა და მედიკამენტებზე ხარისხის კონტროლის თურქულ მოდელს გააცნო, - ამის შესახებ ინფორმაციას სამინისტროს პრესსამსახური ავრცელებს. შეხვედრაზე საქართველოში მედიკამენტების თურქული ბაზრის გახსნაზე ისაუბრეს, ყურადღება გაამახვილა მედიკამენტების ფასის რეგულირების მექანიზმებზე. მინისტრმა აღნიშნა, რომ თურქეთიდან იმპორტირებულ პროდუქტებზე ფასები მკაცრად გაკონტროლდება. გუშინ ჯანდაცვის მინისტრი თურქ კოლეგას ფაჰრეთინ ქოჯას შეხვდა. ყურადღება თურქეთსა და საქართველოს შორის სტრატეგიულ პარტნიორობაზე გაამახვილა. განიხილეს ჯანდაცვის სფეროში არსებული ერთობლივი პროექტები და თანამშრომლობის შემდგომი განვითარების შესაძლებლობებზე იმსჯელეს. შეხვედრაზე მთავარი აქცენტი თურქეთიდან საქართველოში მაღალი ხარისხის მედიკამენტების იმპორტზე გაკეთდა. მხარეები სამედიცინო სერვისსა და ფარმაცევტული მიმართულებით კიდევ უფრო მჭიდრო თანამშრომლობაზე შეთანხმდნენ. დაიგეგმა თურქეთის ჯანდაცვის მინისტრის ვიზიტი საქართველოში. ზურაბ ახარაშვილი წამყვან თურქულ საწარმოებს დაათვალიერებს და მათი მუშაობის სპეციფიკას გაეცნობა, ასევე, ფარმაცევტული საწარმოების ასოციაციისგან თურქული ფარმაცევტული ინდუსტრიის შესახებ დეტალურ ინფორმაციას მიიღებს.



საერთაშორისო სამედიცინო მომსახურების სააგენტოში დაგეგმილ შეხვედრაზე ქართველი პაციენტების თურქეთის რესპუბლიკაში მკურნალობის საკითხებს განიხილავენ.

მომზადდა ანაბ ჩხიშკაძემ

**„ვუთანაბრდნობთ ამ მეტად მედბარ, მტკიცე ნებისყოფის ხალხს“**

„დაიწყო დიდი მარხვა განცდებით, მწუხარებით. ჩვენ თვალს ვადევნებთ, რა ხდება ჩვენ გარშემო, სამეზობლოში. შეძრწუნებული ვართ იმ ბოროტებით, რაც უკრაინაში ხდება. ვუთანაგრძნობთ ამ მეტად მედბარ, მტკიცე ნებისყოფის ხალხს“, - ამის შესახებ ბათუმისა და ლაზეთის მიტროპოლიტმა, მეუფე დიმიტრიმ ქადაგებისას განაცხადა, როდესაც უკრაინაში მიმდინარე მოვლენებს გამოეხმაურა. როგორც მან აღნიშნა, ვლადიმერ პუტინის ქრისტიანულ ფასეულობებთან არაფერი აქვს საერთო. „გამოჩნდა ბოროტმოქმედი მმართველი, რომელიც მთელს კაცობრიობას ბირთვული იარაღის ჟღარუნით ემუქრება და თავის თავს ქრისტიანად მიიჩნევს. მას ქრისტიანულ ფასეულობებთან არანაირი საერთო არ აქვს. ის სიამოვნებით მთელს მსოფლიოს უცხადებს და ეუბნება, რომ თვალის დახამხამებას ვერ მოასწრებთ, მე თუ ბირთვული იარაღი გამოვიყენო. ამას არაფერი აქვს ქრისტიანობასთან საერთო. ის ემუქრება ჩვენს ქვეყანასაც, ჩვენს შვილებს, თქვენს შვილებს და კაცობრიობას. როგორც მოგვხსენებთ, გარკვეული პერიოდი ვცხოვრობდით და ვსწავლობდით რუსეთში, ჩემთან ჩემი თანაკურსელები იყვნენ სხვადასხვა ეროვნების წარმომადგენლები, მათ შორის, უკრაინელები, რუსები, სერბები, ბულგარელები და ა.შ. ყოველდღიურად ვხედავთ სანქციებს, როგორ ინგრევა, როგორ ნადგურდება, როგორ იხრება უამრავი ადამიანი - ბავშვები, ქალები, კაცები. მე ჩემს ზოგიერთ



თანაკურსელს, მღვდელმთავრებს რუსეთში გაუგზავნე ასეთი შეტყობინება - თქვენ უნდა შეანეროთ ეს ბოროტმოქმედი, უნდა შეანეროთ და ამხილოთ, რადგან ის დალუბავს რუსეთს, თუ უკვე არ დალუბა, უკიდურეს შემთხვევაში, მე გამოვირდები თქვენთან ურთიერთობა. სამწუხაროდ, მთავან არანაირი პასუხი არ არის და ეს მოსალოდნელიც იყო. მე მაქვს თითქმის ყოველდღიური ურთიერთობა ჩემს უამრავ მეგობართან, კურსელებთან უკ

რაინაში, ჩვენ ყოველდღიურად თვალკრემლიანები ვემშვიდობებით ერთმანეთს. განადგურებულია ზოგიერთი ეპარქია, უამრავი ადამიანის სიცოცხლე შეეწირა ყოველივე ამას. ძალიან გულნატკენებია არიან, მე მხეველობაში შეავს რუსეთის საპატრიარქოს დაქვემდებარებაში არსებული ეპარქიების ნაწილი, თავიანთ პატრიარქზე, რომელმაც გარკვეულწილად, გაამართლა და ამ ბოროტმოქმედებას, რაც უკრაინაში ხდება, უწოდა რუსეთის ინტერესების დაცვა“. ქადაგებისას მეუფემ ხელისუფლების პოზიციასაც გაუსვა ხაზი: „მინდა ორი სიტყვით შევეხო ჩვენი ხელისუფლების პოზიციას. გარკვეული სიფრთხილე აუცილებელი და საჭიროა, რადგან აღმოსავლური სიბრძნე ასეთი: როდესაც ადამიანი წყალში იხრნობა, თავის გადარჩენის მიზნით გველსაც კი მოჰკიდებს ხელსო. ყველაფერზე შეიძლება წავიდეთ და ყველანაირი საზიზღრობა შეიძლება ჩაიდინოს. ჩვენ რა მოგვეთხოვება? მხოლოდ ღოცვა, ჩვენ მეტი არაფერი შეგვიძლია. ეპარქიამ შეძლებისდაგვარად შეაგროვა გარკვეული შემოწირულობები, რომელიც ამ დღეებში გაიგზავნება უკრაინაში. მინდა კიდევ ერთხელ დავლოცო ეს მტკიცე, მედბარი, შეუპოვარი ხალხი და ვუსურვო მათ სიმხნევე და მტერთა ზედა გამარჯვება.“ - აღნიშნა ბათუმისა და ლაზეთის მიტროპოლიტმა, მეუფე დიმიტრიმ.

ელენე საყვარელიძე

**გამოიწერეთ გაზეთი «აჭარა»!**

ვისაც სურს მიიღოს მაქსიმალურად ზუსტი ინფორმაცია და ობიექტური ანალიზი არა მარტო ჩვენი რეგიონის, სრულიად საქართველოს პოლიტიკური, ეკონომიკური, სოციალური და კულტურული ცხოვრების მთავარი მოვლენების შესახებ, შესაბამისი თხოვნით მიმართოს სადისტრიბუციო ორგანიზაციას «ბათუმი ექსპრესი» (ქ. ბათუმი, ჭავჭავაძის ქ. №90, ტელ: 555 86 12 21). მისი დახმარებით თქვენს მისამართზე მიიღებთ გაზეთ «აჭარის» ყოველ მომდევნო ნომერს. გამოიწერეთ და ითანამშრომლეთ გაზეთ «აჭარასთან!» ჩვენთვის ძვირფასია თითოეული თქვენგანის აზრი! წამოჭრილი პრობლემების შემთხვევაში დაგვიკავშირდით: 577 20 43 55.

რებით თქვენს მისამართზე მიიღებთ გაზეთ «აჭარის» ყოველ მომდევნო ნომერს. გამოიწერეთ და ითანამშრომლეთ გაზეთ «აჭარასთან!» ჩვენთვის ძვირფასია თითოეული თქვენგანის აზრი! წამოჭრილი პრობლემების შემთხვევაში დაგვიკავშირდით: 577 20 43 55.







# სურსათის დეფიციტი არ შეიქმნება

იხილეთ გვერდი 27 48 93

უკრაინელი ლტოლვილების გარდა, საქართველოს რუსი მოქალაქეების დიდი ნაკადი მოაწვდა, რომლებიც საფრთხედ მიიჩნია ადგილობრივმა მოსახლეობამ. უმეტესობა თვლის, რომ შეიქმნება პროდუქტების დეფიციტი და ფასები მკვეთრად გაიზრდება, ბევრი სულაც შიმშილობის მოახლოებას პროგნოზირებს. სოციალურ ქსელებში წერენ, რომ განმეორდა პანდემიის საწყის ეტაპზე მიმდინარე პროცესები. შეშინებული ხალხი ისევ მოაწვდა მარკეტებს და დააცარიელდა დასახლებები. იმარაგებენ ყველაფერს: მარინა, მაკარონს, შაქარს, ასანთს, ფქვილს და უამრავ სხვა სტრატეგიულ პროდუქტს. თავისთავად, იზრდება მოთხოვნა - იზრდება ფასიც, არავინ დაგიდევს ერთი-ორი ლარით გაძვირებულ პროდუქტს, თუმცა, საბოლოო ჯამში, მართლაც დიდ მოგებაზე გადიან მიმწოდებლები.

ამ საკითხთან დაკავშირებით, გარემოს დაცვისა და სოფლის მეურნეობის მინისტრი ოთარ შამუგია მსხვილი სავაჭრო ქსელების და სურსათისა და პირველადი მოხმარების პროდუქციის საქართველოში იმპორტის განმახორციელებელი კომპანიების წარმომადგენლებს შეხვდა. აღინიშნა, რომ უმნიშვნელოვანესია, სამომხმარებლო ბაზარზე პროდუქციის სტაბილური მიწოდების უზრუნველყოფის პარალელურად, კომპანიებმა სოციალური პასუხისმგებლობით იმოქმედონ, რათა არ მოხდეს ფასების უსაფუძვლო მატება:

„დღეს არსებულ ვითარებაში, მნიშვნელო-

ვანია როგორც სახელმწიფოს მხრიდან საჭირო მიმართულებების მხარდაჭერა, ასევე ბიზნესისგან განსაკუთრებული პასუხისმგებლობა. იმპორტიორებისა და სავაჭრო ქსელების წარმომადგენლებსგან მივიღეთ ინფორმაცია არსებული მდგომარეობის შესახებ; სრული პასუხისმგებლობით ვაცხადებ, რომ მარაგების მხრივ არანაირი დეფიციტი არ არსებობს. მაქსიმალურ კოორდინაციაში ვიმუშავებთ იმპორტიორებთან და მიმწოდებლებთან“.

საქართველოს დისტრიბუტორთა ასოციაციის ხელმძღვანელის ივა ჭყონიას განცხადებით, ამ ეტაპზე ბაზარზე სტაბილური ვითარებაა, თუმცა ბოლო დღეებში სავაჭრო ქსელებში მიწოდების მხრივ შეფერხებები დაფიქსირდა, რაც მოსახლეობის მხრიდან ჭარბ შესყიდვებს უკავშირდება და ხელშეწყობს იწვევს დეფიციტს.

„გარკვეულ ბრენდებთან დაკავშირებული ჩავარდნები გამოწვეულია ლოგისტიკური ჯაჭვის წყვეტით, მაგრამ თუ დღეს გარკვეული ბრენდის ზეთი, წიწიბურა თუ შაქარი მომხმარებელს არ დახვდა დახვდება, ეს არ ნიშნავს, რომ ორ-სამ დღეში არ იქნება. მოვეუწოდებ მოსახლეობას, რომ ჭარბი შესყიდვებით არ დააზიანონ არც საკუთარი თავი და არც სხვა მომხმარებელი“, - განაცხადა ივა ჭყონიამ.

შეხვედრაზე აღინიშნა, რომ 1 აპრილიდან ქარხანა „აგარის შაქარი“ სრული დატვირთვით განაახლებს მუშაობას.

„დღევანდელ დღეს პანიკის საფუძველი არ არსებობს. ჩვენ გვაქვს საკმარისი მარაგები. პირველი აპრილიდან ქარხანა „აგარის შა-



ქარი“ სრულად დაიტვირთება. შესაბამისად, აღვიღებ მიწოდება მთელი ქვეყნის მასშტაბით იქნება შესაძლებელი“, - განაცხადა კომპანიის „აგარის შაქარი“ წარმომადგენელმა ნიკოლოზ ნათბილაძემ.

გარემოს დაცვისა და სოფლის მეურნეობის სამინისტროს შესაბამისი სამსახურები ქვეყანაში სურსათის შეუფერხებელი მიწოდებისა და მარაგების შევსების მუდმივ მონიტორინგს ახორციელებენ. უწყვეტ რეჟიმში და კოორდინირებულად მუშაობენ მსხვილი სავაჭრო ქსელების, სურსათისა და პირველადი მოხმარების პროდუქციის საქართველოში იმპორტის განმახორციელებელი კომპანიების წარმომადგენლებთან.

## „მირს“ საქართველოსთან შეხება არ აქვს

ეროვნულ ბანკში აცხადებენ, რომ საქართველოში მოქმედი კომერციული ბანკები და საბარათო საპროცესინგო სისტემები გადახდების სისტემების კომპანია „მირსთან“ არ თანამშრომლობენ - ამ სისტემით ოპერაციები სრულად ხორციელდება რუსულ სისტემაში და მას საქართველოს საფინანსო სისტემასთან შეხება არ აქვს. ამასთან, ბანკის ინფორმაციით, საგადახდო სისტემების კომპანია „მირს“ თანამშრომლობს აფხაზეთის დე ფაქტო რესპუბლიკასთან, რაც, ბანკის შეფასებით, შესაძლოა, არღვევდეს ოკუპირებული ტერიტორიების შესახებ კანონს.

„რაც შეეხება ქართული კომპანიის თანამშრომლობის საკითხს, აღნიშნულის შეფასება სცილდება ეროვნული ბანკის კომპეტენციას. საქართველოს ეროვნული ბანკი ყოველთვის მოქმედებს და მოქმედებს საერთაშორისო რეზოლუციებით განსაზღვრულ სტანდარტებთან სრულ შესაბამისობაში. შეგახსენებთ, რომ სანქციებით გათვალისწინებული მოთხოვნების შესრულების ვალდებულების შესახებ მითითება ეროვნულმა ბანკმა საქართველოს საფინანსო სექტორის წარმომადგენლებს უკვე მისცა“, - აცხადებენ ეროვნულ ბანკში.

ამირან ბურიანი

# მიზანი - სამოქალაქო საზოგადოების სწავლების ახალი ეტაპი

ოთარ გინაიძე 599 85 21 14

შუახვედრის მუნიციპალიტეტის საჯარო მოხელეებთან, საზოგადოების წარმომადგენლებთან შეზღუდული შესაძლებლობის მქონე აქტივისტებმა იოსებ ყაზაიშვილმა, დეა ერემაშვილმა და დავით არძენაძემ სემინარი ჩატარეს. განიხილეს ტრენინგ-მოდულით გათვალისწინებული ისეთი საკითხები, როგორებიცაა: შეზღუდული შესაძლებლობის განმარტება, სამედიცინო, სოციალური მოდელი, ტერმინები, ხელისშემშლელი ბარიერები, საკანონმდებლო ჩარხი,



უნივერსალური დიზაინი და გონივრული მისადაგება, ინკლუზიური განათლება - სეგრეგაცია, ინტეგრაცია, სტერეოტიპები - ქცევა და ეტიკეტი და სხვა. სემინარი პროექტის „სამოქ-

ალაქო საზოგადოება შეზღუდული შესაძლებლობის მქონე პირთა უფლებებისთვის საქართველოში“ ფარგლებში მიმდინარეობდა. ღონისძიების მიზანი იყო სამოქალაქო საზოგადოების ცნობიერების ამაღლება შეზღუდული შესაძლებლობის მქონე პირებთან დაკავშირებით. პროექტს ევროკავშირის მხარდაჭერით ახორციელებენ ორგანიზაციები - „ცვლილებები თანაბარი უფლებებისთვის“ და „კოალიცია დამოუკიდებელი ცხოვრებისათვის“.

## მიზანი - ინოვაციური პროექტებისა და მომსახურების შემუშავება

საქართველოს ინოვაციებისა და ტექნოლოგიების სააგენტომ 150 ათასი თანადანფინანსების გრანტების პროგრამა გამოაცხადა. სააგენტოს ცნობით, წელს თანადანფინანსების გრანტების პროგრამის მოცულობა 100 ათასიდან 150 ათას ლარამდე გაიზარდა, ხოლო აღნიშნული პროგრამის შედეგი რაუნდის ფარგლებში ჩამურად 135 სტარტაპი დაფინანსდა.

„პროგრამის მიზანია საქართველოში საერთაშორისო პოტენციალის მქონე ინოვაციური პროექტების და მომსახურების შემუშავება, მათი კომერციალიზაცია და ინოვაციური საწარმოების შექმნის სტიმულირება. თანადანფინანსების გრანტები წარმოადგენს დაფინანსების ერთ-ერთ ყველაზე გავრცელებულ ინსტრუმენტს, რომელიც ინოვაციის მხარდასაჭერად გამოიყენება, როგორც განვითარებული, ისე განვითარებადი ეკონომიკის მქონე ქვეყნებში. პროგრამის ფარგლებში გათვალისწინებულია თანადანფინანსების გრანტები სტარტაპებისთვის, რომელიც განკუთვნილია დამწყები/ორ წლამდე კერძო, მცირე საწარმოებისთვის. საგრანტო კონკურსში მთხზონილი გრანტის მაქსიმალური ოდენობა არ უნდა აღემატებოდეს 150 ათას ლარს. თანადანფინანსების გრანტების პროგრამის ფარგლებში დაფინანსდება ტექნოლოგიაზე დაფუძნებული პროექტები-საქმიანობები, გარდა სამხედრო, ბირთვულ ტექნოლოგიებთან, სპირტის და სპირტიანი სასმელების, თამბაქოს, და სახიფათო ნივთიერებების წარმოებისა“, - აღნიშნულია ინფორმაციაში.

დეტალური ინფორმაცია იხილეთ თანადანფინანსების ვებ-პორტალზე: [www.grants.gov.ge](http://www.grants.gov.ge).

ამირან ბურიანი

# როგორ დაიმორჩილეს რაკორდსმენებმა მატარებლის ათი ვაგონი?

მანანა კიძიშვილი 598 24 94 97

ამ დღეებში ბათუმში ახალი მსოფლიო რეკორდი დამყარდა. მისი ავტორები საქართველოს უბლიერეს მამაკაცთა და მთიელთა თამაშების ეროვნული ფედერაციის ნაკრების წევრები, ბათუმელი ბაგრატ ჟღერტი და მისი მეწყვილე ვიორგი ტალახაძე გახლავთ. ქართველმა სტრონგმენებმა სატვირთო მატარებლის ათი ვაგონი, რომლის საერთო წონა 240 ტონას შეადგენდა, უკრაინელების მიერ ერთი წლის წინ დაფიქსირებულ შედეგზე ერთი მეტრით წინ გასწიეს და ახალი მსოფლიო რეკორდი დაამყარეს.

- ამ დღისთვის მე და ჩემი მეწყვილე სამი თვე ვემზადებოდით. სინქრონული მოძრაობით მოვახერხეთ არა მარტო ვაგონების დაძვრა, არამედ ახალი რეკორდის დამყარება - 1 მეტრითა და 100 ტონით გადავაჭარბეთ წინა რეკორდს, - თქვა ბაგრატ ჟღერტმა.

- თავად რეკორდის დამყარება სანახაობრივად ძალიან მცირე დროს მოიცავდა, თუმ-



ცა ძალიან რთული იყო. ამისთვის სათანადოდ თუ არ მოემზადე, არაფერი გამოვა. ვშიშობდით, ეგებ არ გამოგვსვლოდა, მაგრამ როცა უშუალოდ დაძვრაზე მიდგა საქმე, მიხვდით, რომ თავს გაავართმევდით. გვიხარია, რომ შრომამ შედეგი გამოიღო, - აღნიშნა ვიორგი ტალახაძემ.

ქართველი სპორტსმენები სამომავლოდ ახალი რეკორდების დამყარებას გეპირდებიან.

# სუპერფინანსის საზოგადოებრივი მოიპოვება

მანანა კიძიშვილი 598 24 94 97

ბათუმის „საჭადრაკო კლუბი ნონას“ წევრმა მარიამ კალანდაძემ ამ რამდენიმე დღის წინ, აჭარის ჩემპიონატზე, 12 წლამდე ასაკობრივ კატეგორიაში პირველი ადგილი და ოქროს მედალი დაი-

საკუთრა. ახლახან მარიამმა ისევ გაგვახარა - საქართველოს ონლაინ გრან-პრის წრულ ტურნირში 7 შესაძლებლობიდან 5,5 ქულით გაიმარჯვა და საქართველოს სუპერფინანსის საგზური მოიპოვა. შეგახსენებთ, რომ სუპერფინან-

სი 15-17 მარტს, თბილისის ჭადრაკის სახელმწიფო დაფასთან თამაშის რეჟიმში გაიმართება წრული სისტემით ექვს მთამაშეს შორის. გულოცავთ მარიამს გამარჯვებას და ახალ წარმატებებს ვუსურვებთ.



ამირან ბურიანი









# იგი თანაქალაქელებისთვის ღიილთან, სიყვარულთან, კეთილგანწყობასთან ასოცირდება

## ყველაზე ღიილი ჯილდო, რომელიც ჟურნალისტმა მანანა

### ძიძიშვილმა 55-წლიანი მოღვაწეობის განმავლობაში დაიმსახურა

55 წლის წინათ დაიწყო მუშაობა მანანა ძიძიშვილმა გაზეთ „სოვეტსკაია ადვარიაში“ (1967 წლის 6 მარტს), საიდანაც გაზეთ „აჭარაში“ გადმოინაცვლა (1992 წლის 1 მაისს) და ბათუმს თავი გააცნო, როგორც ნიჭიერმა, პროფესიონალმა, საქმის ერთგულმა და ადამიანის მოყვარულმა ჟურნალისტმა. შრომა კურიერის პოზიციიდან დაიწყო, რამდენიმე წელიწადში კი ქალაქმა მიიღო ნიჭიერი ახალგაზრდა ჟურნალისტი, რომელიც თემის მრავალფეროვნებით, სათქმელის ნათლად და ლაკონურად გადმოცემის უნარით გამოირჩეოდა.

შეიძლება ითქვას, „აჭარასთან“ ერთად გაიარა გაზეთისა და საკუთარი სიცოცხლის გზის უმეტესი ნაწილი, ჩვენი გამოცემის საუკეთესო წარმომადგენლებისგან ისწავლა და შეისისხლხორცა საქმე, რომლითაც ათწლეულების განმავლობაში ემსახურება მშობლიურ აჭარას. მას წილად ხვდა ალი სამსონიასთან, ნევერო პატარაიასთან, ნუგზარ ჯაფარიძესთან, სერგო კაკაურიძესთან, არჩილ ტოტონაშვილთან, შოთა ზოიძესთან და სხვებთან ერთად ემუშავა და მათი გამოცდილებიდან ბევრი რამ ესწავლა. როგორც თავად ამბობს, ფაქტების გადამოწმების ჩვევა და მათ სიზუსტეზე პასუხისმგებლობა „სოვეტსკაია ადვარიაში“ მასწავლავდა მთავარმა რედაქტორმა ვლადიმერ მარდანიძემ ჩაუნერგა, მის ჟურნალისტად ჩამოყალიბებაში თავიანთი როლი შეასრულეს რუსული გაზეთის კულტურის



ავთო ლომაქისთან ერთად

ბურია, მერაბ ხაბაზი (პირველი მთავლელი აჭარიდან), ხასან ხაბაზი, მერაბ კილაძე, დურსუნ ჩერქეზაძე, მემედ ბედიას, იუსუფ კობლაძე, ვალერი ალთაბაევი, ვაჟა ბაღოშვილი, ისმეთ დინდარი-მიქელაძე, მარიკა კვალაიშვილი, მაცაცო სებისკვერაძე,

ტი, სპორტის დეპარტამენტი, ქალაქ ბათუმის მერია) საუკეთესო სპორტულ ჟურნალისტად. 2021 წელსაც ასე იყო. მისი სახელი, როგორც აჭარაში მიღვარდა, წარმატებული სპორტული ჟურნალისტი, შეტანილია ლევან ჯიფიშვილის სამა-

ნენ ჩვენს პროფესიულ გზაზე არსებულ ოღო-ჩოღოებს, შეინარჩუნონ თვითრწმენა და თამამად უერთგულოდ სიმართლეს, საკუთარ პრინციპებს, რომლებიც აუცილებლად უნდა ჰქონდეთ.

უადრესად თბილია კოლეგების მიმართ, გულწრფელად უხარია მათი წარმატება, ვერაფერს მოასწრებს რაიმე ღირსშესანიშნავი თარიღის მილოცვას, ყოველთვის მზადაა, დაგეხმაროს ჭირშიც და ღხინშიც.

საუკეთესო დედა თავისი ერთი ვაჟის - დათო ძიძიშვილისა, რომელიც ისეთი შეილია, ბევრი რომ ინატრებს. დღეს საუკეთესო თვისებები დაინათლა და შეისისხლხორცა. მანანასავით მზრუნველი და ყურადღებიანი ირგვლივ მყოფთა მიმართ, აქტიური, მაგრამ უფრო მიზანმიმართულიც. მანანასაც ის ურჩევია, შეილი რომ სჯობდეს, ამ შემთხვევაში, დედას. დათო სამართლისა და პოლიტიკის კვლევის ინსტიტუტის კომუნიკაციისა და საინფორმაციო პოლიტიკის მიმართულების მკვლევარია, ასევე - კრიზისული კომუნიკაციის სპეციალისტი, მედიის კვლევის დოქტორანტი და საზოგადოებრივი ურთიერთობათა მაგისტრი. უკვე დააგროვა ათწლიანი სამუშაო გამოცდილება საინფორმაციო და ფსიქოლოგიური ოპერაციების დაგეგმვისა და ანალიზის სფეროში (საქართველოს შეიარაღებული ძალების გენერალური შტაბი). ამავე დროს დავით ძიძიშვილი „სტრატეგიული კომუნიკაციების ცენტრი - საქართველოს“ ერთ-ერთი დამფუძნებელია.

სტუდენტობიდან კითხულობს ლექციებს სხვადასხვა საგანმანათლებლო დაწესებულებაში, ამჟამად - ივანე ჯავახიშვილის სახელობის თბილისის სახელმწიფო და კავკასიის საერთაშორისო უნივერსიტეტებში მოწვეული პროფესორის სტატუსით. ამასთან, იგი ტრენერია თხუთმეტწლიანი გამოცდილებით, ავტორი კურსისა „პიბრი-დული ომი და მისგან მომდინარე საერთო-ეკონომიკური ურთიერთობების მკვლევარი“. არის პიბრიდული ომების მკვლევარი. ეს არასრული ჩამონათვალია მის საქმიანობათა ნუსხიდან. ხშირად იწვევენ სხვადასხვა ტელეარხის გადაცემებში პროფესიონალთა დაკავშირებულ საკითხებზე კომპეტენტური მსჯელობისთვის.

მანანა ძიძიშვილის ბუნებას, ხასიათის მთავარ შტრიხს შესანიშნავად გადმოსცემს მისი პასუხი შეკითხვაზე - როგორი უნდა იყოს ჟურნალისტი და რა ეხმარება, რომ კვლავ ძველებურად, ამგვარი შემართებით აკაიოს პროფესიული საქმე?

- უპირველესად, უნდა გიყვარდეს საქმე, რომელსაც ემსახურები, ადამიანები, ქალაქი, სადაც ცხოვრობ, ქვეყანა, სადაც დაიბადე ყველაფერს ამ სიყვარულით უნდა აკეთებდე და აუცილებლად უკან დაიბრუნდებ. 6 მარტს ჩემი შრომითი მოღვაწეობის 55 წლისთავთან დაკავშირებით დათმობს პოსტი გამოაქვეყნა თავის ფეისბუქგვერდზე, სადაც ამ თარიღს მილოცავდა და ათობით ადამიანმა ისეთი სიტყვებით მომმართა, იმდენი სიტყვა მივიღე, კარგა ხანს მეყოფა ბედნიერებისთვის. აი, ეს მაძღვრებდა და კიდევ, ყველაზე მთავარი - სიმართლით უნდა წერდე. მთავარი ამბავი კი არა, ის მიდგომაა, რომლითაც მის შესახებ ყვები. რაზეც უნდა წერდე, ყველაფერი სიმართლის განცდით და ადამიანების სიყვარულით უნდა გადმოცე. მე ადამიანების სიყვარულით ვარ ძლიერი - ჩემი პოზია სიკეთის გაცემია.

ასეთია ჩვენი მანანა, რომელსაც მოელოდა ქალაქი კარგად იცნობს, ამიტომ მასვე დაუთანხმებია, რომ, მართლაც, ორმაგად უბრუნებს გაცემულ სიყვარულს. პოდა, ჩვენი გაზეთის, მთელი ბათუმის სახელთი ვულოცავთ მას ამ მნიშვნელოვან თარიღს - ხუმრობა ხომ არაა, ნახევარ საუკუნეზე მეტია, გაზეთის არსებობის უმეტესი დროის განმავლობაში ამ გამოცემის, კეთილი და მართალი სიტყვის, თავისი პროფესიის ერთგული მსახურია. კიდევ დიდხანს უნდა გვყავდეს მანანა, შენი ყოფნა და საქმე სტიმულირებს „აჭარას“. ჩვენს კუთხეს.

მარიონა მითაიშვილი

## წლების სიმძიმე ვერ ერევა, დღესაც თითქმის ყველაზე აქტიური და დაუზარელი ჟურნალისტი. ჩვენი გაზეთის ტექნიკური პრობლემების პირობებშიც (ავტომანქანის ფუფუნება კარგა ხანია აღარ გვაქვს) ყოველთვის იქაა, სადაც ქალაქისთვის მნიშვნელოვანი ამბავი ხდება

განყოფილების იმდროინდელმა უფროსმა ნელი ბოკერიაძემ და ჟურნალისტმა ირინა ბურკაძემ.

მანანა ძიძიშვილის კალამმა ასეულობით საინტერესო, ქალაქისა და ქვეყნისთვის მნიშვნელოვანი ფაქტი ახახა ჩვენი გაზეთის ფურცლებზე და შეუნახა შთამომავლობას. მას თავისუფლად შეიძლება ვუწოდოთ ცოცხალი მარტინი თავისი კუთხისა და მშობლიური გაზეთისა. განსაკუთრებულად აშუქებს მნიშვნელოვან მოვლენებს

ზურაბ სოტიკიძეა, ალექსანდრე კორსანტია, ელისო ბოლქვაძე, „ბოცორია“ (ვარლამ გოდუაძე), ნადია ჯბუტი, რამაზ სურმანიძე, დავით ხახუტაიშვილი, ნესტორ მალაზონია, სოსო შენგელია, სოსო მიქელაძე, თამაზ ფურტყარაძე, ავთანდილ დიასამიძე, სპირიდონ ოდიკაძე და ბევრი სხვა, როგორც საქართველოში მცხოვრები, ისე უცხოეთში მოღვაწე პიროვნება.

აღსანიშნავია, რომ სარფის საბაჟოდან

გილო წიგნში „სპორტი აჭარაში“, მანანა ძიძიშვილის საქმიანობასა და ცხოვრების შესახებ მოთხრობილია ბაგრატ თავებერიძისა და ელა მოსეშვილის წიგნში „ბათუმის სული“.

აჭარის ხელოვნების, კულტურისა და სპორტის პოპულარიზაციაში შეტანილი წვლილისთვის მიღებული აქვს არაერთი მაღლობის სიგელი.

2019 წელს ჟურნალისტის სფეროში ხანგრძლივი და ნაყოფიერი საქმიანობისთვის, გაზეთ „აჭარის“ დეპარტამენტის კორესპონდენტს, 2011 წლის საუკეთესო ჟურნალისტს, დარეჯან (მანანა) ძიძიშვილს მიენიჭა დამსახურებული მოღვაწის წოდება.

მიუხედავად იმისა, რომ მისთვის მტკივნეული, საჭირობოროტო თემებიც არ არის უცხო, მანანას შთაგონების ძირითადი წყარო მაინც ქვეყნის თუ პიროვნებების დადებითი მხარეების წარმოჩენაა. ასეთია საზოგადოდ, თანამოქალაქეთა, ადამიანთა მიმართ. მწვენივლების პატივება, სუფთა გული და დიმილიანი სახე ურჩევნია ბრახით გულის გასივებასა და წარბების შეკერვას. ამიტომაც ასოცირდება იგი თანაქალაქელებისთვის დიმილთან, სიყვარულთან, კეთილგანწყობასთან. ეს ყველაზე დიდი ჯილდოა, რომელიც მან დაიმსახურა.

წლების სიმძიმე ვერ ერევა, დღესაც თითქმის ყველაზე აქტიური და დაუზარელი ჟურნალისტი. ჩვენი გაზეთის ტექნიკური პრობლემების პირობებშიც (ავტომანქანის ფუფუნება კარგა ხანია აღარ გვაქვს) ყოველთვის იქაა, სადაც ქალაქისთვის მნიშვნელოვანი ამბავი ხდება.

ბევრი მისი წერილი სამოქალაქო აზროვნების განვითარებას უწყობს ხელს, რადგანაც არასოდეს ყოფილა გულგრილი ფაქტებისადმი, რომლებიც მისი, ჩვენი, ქვეყნის ბედზე ახდენდა გავლენას. ასეა დღესაც, ამიტომ სულაც არ იქნება გადაჭარბებული, თუ ვიტყვით, რომ კვლავ ახალგაზრდაა.

სიხარულით ხედება ახალგაზრდების გამოჩენას ჟურნალისტის სარბიელზე, ყოველმხრივ ეხმარება მათ პროფესიის უკეთ დაუფლებაში, საინტერესო თემატიკის მოძიებაში, უბრალოდ, ადამიანური კეთილგანწყობით აძლევს სტიმულს, არ შეუშინდ-



გაზეთი «აჭარის» («აღჭარის») ყოფილ შენობასთან, რომლის დაკარგვა მანსაკუთრებულად გვტკივა

კულტურასა და ხელოვნებაში, ასევე სპორტში. მრავალი ბათუმელის, თანამემამულის ნაღვაწ-ნაშრომი დააფასა, მათი პიროვნული და პროფესიული მხარეები წარმოაჩინა. შთამბეჭდავი მასხალები აქვს მომზადებული არაერთ ცნობილ ხელოვანსა თუ სპორტის სფეროს წარმომადგენელზე, რომელთა შორის არიან მერაბ ბერძენიშვილი, გია ყანჭელი, რამინ მიქაბერიძე, ელისო ვირსაძე, ლიანა ისაკაძე, ნიკოლოზ რაჭველი, ლაშა ტალახაძე, ლაშა დლონტი, თემურ დლოძი, შუშანა ფურტყარაძე, ბელა ქე-

დიდ მოგზაურობაში გააცილა და მისი დასრულების შემდეგ დახვდა წითელ ხიდზე მსოფლიო მოგზაურ ჯუმბერ ლეჟავას, რომლის მოგზაურობას სათანადოდ აშუქებდა გაზეთ „აჭარის“ ფურცლებზე.

იგი არაერთხელ შეეხო ისეთ მტკივნეულ თემებს, როგორიც იყო ბათუმის სტადიონის მშენებლობა, დღეს კი არის საცურო აუზი. ოც წელზე მეტია, მას ყოველწლიურად ასახელებენ (აჭარის სპორტისა და ახალგაზრდობის საქმეთა დეპარტამენ-





# საინფორმაციო ომში ჩართულია რადიკალური ოპოზიციის აბსოლუტურად ყველა საინფორმაციო საშუალება და პარტიული აქტივი

- უკრაინაში რუსეთის ღია აგრესიის და წარმოებული საომარი მოქმედებების კვალდაკვალ საქართველოში რადიკალური ოპოზიციის გაჩაღებული აქვს მძლავრი საინფორმაციო ომი საქართველოს ხელისუფლების და საკუთარი ქვეყნის წინააღმდეგ. მსგავსი პრეცედენტი დღეს არ ფიქსირდება მსოფლიოს არცერთ ქვეყანაში მიუხედავად იმისა, შეუერთდა თუ არა ეს ქვეყანა სანქციებს, აგზავნის თუ არა მთავრობის ოფიციალური თანხმობით მოხალისეებს და ასე შემდეგ, - განაცხადა „ქართული ოცნების“ აღმასრულებელმა მდივანმა მამუკა მდინარაძემ გუშინ გამართულ ბრიფინგზე.

მისი თქმით, საინფორმაციო ომში ჩართულია რადიკალური ოპოზიციის აბსოლუტურად ყველა საინფორმაციო საშუალება და პარტიული აქტივი მთლიანი რესურსით, რომლებიც თავიანთ მანერებში კამპანიას რამდენიმე მიმართულებით აწარმოებენ.

- მაგალითად, ვნახეთ, რომ აბსოლუტურად უსაფუძვლო და შეგნებულად შექმნილი აღმოჩნდა აუთოკრატიის შესახებ, თითქოს საქართველოში რუსეთის მოქალაქეების განსაკუთრებული მიგრაცია შეინიშნება. რაც შეეხება კონკრეტული მოქალაქეების შემოშვება-არშემოშვების საკითხს, რაზეც პერიოდულად გარკვეულ კონკრეტულ ნეგატიურ კამ-



პანიებს ვაწყდებით ხოლმე საინფორმაციო სივრცეში, როგორც ჩვენი მხრიდან უკვე გახმოვანდა, სხვა ქვეყნის მოქალაქის საქართველოში შემოსვლის დროს შესაბამისი უწყებები, აზღვევენ ყოველგვარ თეორიულ რისკსაც კი და შემოშვების შესახებ ყველა კონკრეტულ შემთხვევაში, თავისი კომპეტენციის შესაბამისად, იღებენ ინდივიდუალურ გადაწყვეტილებას, - განაცხადა მამუკა მდინარაძემ.

მამუკა მდინარაძე

## „ევროკავშირმა რუსეთის ენერგომატარებლებზე დამოკიდებულებას თავი უნდა დააღწიოს“

ამის შესახებ გუშინ, ევროპული პარლამენტის სხდომაზე გამოსვლისას, უსაფრთხოებისა და საგარეო ურთიერთობათა საკითხებში ევროკავშირის უმაღლესმა კომისარმა ჯოზეფ ბორელმა განაცხადა.

მისი თქმით, ევროკავშირმა კრემლს უნდა ჩამოართვას შესაძლებლობა, დააფინანსოს ომი, რომელიც მან უკრაინაში დაიწყო. ჩვენ კვლავაც ვრჩებით მოწყვლადი ენერგეტიკულ კავშირებში. როდესაც საუბარი მიდის ნავთობსა და გაზზე, ჩვენ ვხდებით რუსეთის ცენტრალური ბანკის გაყინული აქტივების ეკვივალენტს. ჩვენ დაგბლოკეთ ეს რეზერვები, მაგრამ არ შეგვიჩერებია ენერგომატარებლების ნაკადი. ამდენად, პირველი, რაც უნდა გავაკეთოთ, ეს არის ის, რომ შევწყვიტოთ ეს წვდომა რუსეთის ეკონომიკისთვის. ჩვენ უნდა შევწყვიტოთ ეს ნაკადი, რომელიც მას აძლევს საშუალებას, მიიღოს რესურსები ამ ომის დასაფინანსებლად“, - განაცხადა ბორელმა.



ბულების შემცირება რუსულ გაზზე აშკარა იყო ჯერ კიდევ 2014 წელს, როდესაც რუსეთი ყირიმში შეიჭრა. იმ დროიდან ევროკავშირმა გაზარდა დამოკიდებულება რუსეთზე. მისი განცხადებით, ანლა დადგა დრო, სისტემურად, ბერმანენტულად და არსებითად შემცირდეს ევროკავშირის დამოკიდებულება რუსულ ნავთობსა და გაზზე.

მანვე აღნიშნა, რომ ევროკავშირი განაგრძობს რუსეთზე ზეწოლას, რათა აიძულოს ომის შეწყვეტა და ამისთვის ყველა ბერკეტს გამოიყენებს.

„წევრი ქვეყნები სანქციების ახალ პაკეტზე მუშაობენ, რომლებიც მოიცავს 100-მდე ადამიანს სხვადასხვა დონეზე, რომლებიც რუსეთის ხელისუფლებასთან არიან კავშირში. ვიმედოვნებ, ეს პაკეტი დღესვე იქნება მიღებული“, - განაცხადა ბორელმა.

ამირან გურიელიძე

მანვე გაიხსენა, რომ ევროკომისიამ წარმოადგინა ზომების პაკეტი მაკროეკონომიკურ დონეზე, რაც საშუალებას მისცემს მიმდინარე წლის ბოლომდე ორი მესამედით შემცირდეს ევროკავშირის დამოკიდებულება რუსეთის ენერგომატარებლებზე.

„ეს მძიმე ამოცანაა, მაგრამ მიღწევადი, თუკი ნამდვილად გვსურს, ამას მივალწიოთ. ეს მოითხოვს მაკროეკონომიკურ და ტექნიკურ ზომებს. ეს ნიშნავს, რომ ევროპელებმა უნდა შეამცირონ სახლებში ტემპერატურა. ყველამ ინდივიდუალური ძალისხმევას უნდა მიმართოს, როდესაც საუბარია გაზის მოხმარების შემცირებაზე“, - განაცხადა ბორელმა.

**გაზეთი «აჭარა» ბთავეზობთ ნებისმეიარი სახის ღიზანიერულ მომსახურებას, ღიზანინს თანამედროვე სტილში გაღაყუპებას, რეკლამის გაფორმებას, შერჩევას. ღიზანინს ღაფაღაღის მსურველებამ მიმართეთ გაზეთი «აჭარის» სარეკლამო სამსახურს. ტელ: 27 48 93.**

### ახალი სანქციები - რუსეთს

ევროკავშირმა რუსეთის წინააღმდეგ სანქციების მეორე ტალღა ამოქმედდა. ამის შესახებ ინფორმაცია ევროკომისიის პრეზიდენტმა ურსულა ფონ დერ ლაინმა „ტვიტერის“ გვერდზე გაავრცელა.

მისი ცნობით, სანქციები 160 ოლიგარქსა და რუსეთის ფედერაციის საბჭოს წევრებს შეეხებათ.

„ჩვენ კიდევ უფრო ვაძლიერებთ სანქციებს უკრაინის წინააღმდეგ რუსეთის აგრესიის საპასუხოდ“, - განაცხადა ფონ დერ ლაინმა.

სანქციები ასევე შეეხებათ ბელარუსის საბანკო სექტორს, რუსეთის ფედერაციის საზღვაო სანავიგაციო ტექნიკის ექსპორტსა და კრიპტოაქტივებს.

**ამირან გურიელიძე**

ღანართი-1 5/03/2022

### საქართველოს ახალგაზრდებზე დახმარების ასოციაციის 2021 წლის საქმიანობის ანგარიში

საქართველოს ახალგაზრდებზე დახმარების ასოციაცია დაფუძნდა 2001 წელს ქ. ბათუმში (ს/კ 248386571). მისამართი: ქ. ბათუმი, ხახულის I შესახვევი №1. ასოციაცია ეწევა საქველმოქმედო საქმიანობას. ორგანიზაციის ხელმძღვანელობაზე უფლებამოსილი პირია პრეზიდენტი ზურაბ მიქელაძე.

2021 წელს ორგანიზაციის ბრუნვის მოცულობამ შეადგინა 559908.26 ლარი.

1. ორგანიზაცია შემოსავლებს ღებულობს შემოწირულობის სახით;
2. ორგანიზაციაში დასაქმებულია 9 თანამშრომელი;
3. საქველმოქმედო საქმიანობა განხორციელდა შემდეგ სფეროებში: სამოყვარულო სპორტი, ჯანმრთელობის დაცვა, სოციალური, განათლებისა და ჰუმანიტარულ სფეროში;
4. უცხოელი დამფუძნებლები და თანამშრომლები ორგანიზაციას არ ჰყავს.

ორგანიზაციის ხარჯები განხორციელდა შემდეგნაირად:

1. პანსიონების სტუდენტთა კვებისათვის ----- 15808.45 ლ.
2. ელექტროენერგია, წყალი და ბუნებრივი აირი ----- 11212.32 ლ.
3. გაცემული ხელფასი ----- 97049.60 ლ.
4. სხვა გამოქვითვები ----- 435817.35 ლ.

მათ შორის:

1. საკანცელარიო ხარჯები ----- 2510.30 ლ.
2. სატელეფონო და ინტერნეტხარჯები ----- 396.77 ლ.
3. სამშენებლო მასალები ----- 23211.10 ლ.
4. ერთჯერადი დახმარება სურსათით 965 მოქალაქეზე 55671.50 ლ.
5. მოსახლეობაში დანაწილებული ხორცი ----- 48450.00 ლ.
6. სამედიცინო მედიკამენტები ----- 1089.89 ლ.
7. ორგან. და თანამშრომელთა საპენსიო ანარცხები --- 5154.00 ლ.
8. სანდასუფთავება ----- 37.31 ლ.
9. ბანკის მომსახურება ----- 555.29 ლ.
10. ჟურნალისა და კალენდრების ბეჭდვა ----- 7989.80 ლ.
11. ჩარიცხული საშემოსავლო გადასახადი ----- 20518.00 ლ.
12. ბავშვთა დახმარება ტანსაცმლით ----- 2096.50 ლ.
13. 2020 წლის სამეურ. საქმიანობის და აუდიტის ხარჯები - 92.00 ლ.
14. დახმარება საგანმანათლებლო ორგანიზაცია განათიად - 98000.00 ლ.
15. დახმარება ქვითა სურსათის ასოციაცია მომსახურებისათვის - 106000.00 ლ.
16. საწვავი ორგანიზაციის საჭიროებისათვის ----- 2719.60 ლ.
17. პიგენური საშუალებები ----- 2421.29 ლ.
18. სამლოცველოების სარესტავრაციო ხარჯები ----- 23000.00 ლ.
19. სხვა სამეურნეო ხარჯები ----- 35904.00 ლ.
5. ნაშთი წლის ბოლოს ----- 20.54 ლ.

**ზურაბ მიქელაძე,**  
საქართველოს ახალგაზრდებზე დახმარების ასოციაციის პრეზიდენტი

ღანართი-1 7/03/2022

### ბათუმში ახალი მეჩეთის მშენებლობის ფონდის 2021 წლის საქმიანობის ანგარიში

ბათუმში ახალი მეჩეთის მშენებლობის ფონდი დაფუძნდა 2016 წელს ქ. ბათუმში (ს/კ 445487312). მისამართი: ქ. ბათუმი, გენერალ ასლან აბაშიძის ქ. №49/2. ფონდი მოქმედებს ნებაყოფლობის, წვერთა თანასწორუფლებიანობის, დემოკრატიულობისა და კანონიერების საფუძველზე. ორგანიზაციის ხელმძღვანელობაზე უფლებამოსილი პირია ნოდარ პაქსაძე.

2021 წელს ორგანიზაციის ბრუნვის მოცულობამ შეადგინა 38828.48 ლ.

1. უცხოელი დამფუძნებლები და თანამშრომლები ორგანიზაციას არ ჰყავს;
2. ორგანიზაცია შემოსავლებს ღებულობს შემოწირულობის სახით.

ორგანიზაციის ხარჯები განხორციელდა შემდეგნაირად:

1. ელექტროენერგია, წყალი, ბუნებრივი აირი ----- 3049.26 ლ.
2. სხვა გამოქვითვები ----- 33650.20 ლ.

მათ შორის:

1. შესყიდული მიწის ნაკვეთის საფასური ----- 33284.00 ლ.
2. ბანკის მომსახურება ----- 18.90 ლ.
3. სმს მომსახურება ----- 12.00 ლ.
4. აუდიტორული მომსახურება ----- 50.00 ლ.
5. 2020 წ. ანგარიში, გაზეთი „ჭარა“ ----- 30.00 ლ.
6. ინტერნეტბანკინგი ----- 60.00 ლ.
7. მიწის გადასახადი ----- 50.00 ლ.
8. საჯარო რეგისტრის მომსახურება ----- 145.30 ლ.
3. ნაშთი წლის ბოლოს ----- 2129.02 ლ.

**ნოდარ პაქსაძე,**  
ბათუმში ახალი მეჩეთის მშენებლობის ფონდის თავმჯდომარე

<p><b>მთავარი რედაქტორი</b></p> <p><b>მარინა მითაიშვილი</b></p>	<p><b>გამომგვამი რედაქტორი</b></p> <p><b>ირმა შერვაშიძე</b></p> <p><b>ლიტერატურული რედაქტორი</b></p> <p><b>ეთერ სომარიკი</b></p>	<p>რედაქცია პასუხს არ აგებს უცხოური პრესიდან თარგმნილი მასალების, ფაქტების, ინფორმაციის სიზუსტეზე, აგრეთვე სარეკლამო განცხადებების შინაარსსა და სტილზე.</p> <p>ნიშნით აღნიშნული სტატიები იბეჭდება რეკლამის უფლებით.</p> <p>რედაქციაში შემოსული მასალები ავტორებს არ უბრუნდებათ.</p>	<p><b>გამომცემელი - შპს</b></p> <p><b>«ბაჭყალი აჭარა ლა ალქარია»</b></p> <p><b>კოლმეგობრივი მომსახურება - შპს «კოლორ პრინი»</b></p> <p><b>მის: ქ. თბილისი, ქ. ბაღდაშაძის ქ. №3</b></p>	<p><b>მისამართი: 6000, ბათუმი, გრიგოლავის ქ. №2</b></p> <p><b>ტელ: 27-13-31</b></p> <p><b>ანიფო და ლაპაპალონდა</b></p> <p><b>გაზეთი «აჭარის» კომპ. ცენტრი</b></p> <p><b>დასაბუღავ ხელმოწერილია 07/03/22, 20<sup>15</sup> სთ.</b></p>	<p><b>ლიტერატორი</b></p> <p><b>გამუკა პერიკე</b></p>
---	--	---	--	--	--





# „ოჯახი იყო ის თავხედადარი, როგორც ჩემს სულს სჭირდებოდა“

მარიამ ხოთარაშვილი 27 48 93

ბათუმელი ახალგაზრდა ანა დიასამიძე ბავშვებისთვის და ქალბატონებისთვის ხელნაკეთი აქსესუარებს ამზადებს. ის ქართული ბრენდის - „ლილეპოპი“ დამფუძნებელია, რომელიც ჩვენს ქალაქში განსაკუთრებული პოპულარობით სარგებლობს. ანამ ბათუმის შოთა რუსთაველის სახელმწიფო უნივერსიტეტში ინგლისური ფილოლოგიის ბაკალავრიატი დაამთავრა. ის ასევე ვროცლავის უნივერსიტეტის პოლიტიკურ მეცნიერებათა მაგისტრი და საქართველოს საზოგადოებრივ საქმეთა ინსტიტუტში (GIPA) საჯარო მმართველობის მაგისტრია.

**- ოჯახსა და ბავშვობაზე გვიამბეთ...**

- ხელოვანი ადამიანების ოჯახში გავიზარდე, მუსიკოსები, მხატვრები, მწერლები ჩემ ირგვლივ ტრიალებდნენ. ფერებიც სწორედ მაშინ შევიყვარე. უკვე განსხვავებულად აღვიქვამდი სამყაროს. ჩემთვის რეალობა და წარმოსახვა განსხვავდებოდა ერთმანეთისგან.

ლამოს კაბებს და აქსესუარებს. ეს არ იყო ჩვეულებრივი ესკიზები, მუდმივად განსხვავებულ ფორმებსა და ფერებს ვეძებდი. თვალს დაგხუჭავდი და წარმოვიდგენდი, როგორ ენაცვლებოდა ერთ კაბას მეორე, მეორეს - მესამე. არასდროს მენახა მსგავსი მოდელები. იმ პერიოდში ინტერნეტზე წვდომის საშუალება არ გვქონდა და ერთადერთი, რისი ნახვაც შემიძლო ტელევიზორში, მოდის არხი „Fashion TV“ და რამდენიმე მოდის ყურნალი იყო. მასსოვს, ერთხელაც, როცა მორიგ ჩვენებას ვუყურებდი, მოულოდნელად დავინახე ჩემს ფანტაზიასა და ფურცლებზე გადმოცემული ჩანახატების გაცოცხლებული, რეალური ვერსიები. ეს იმდენად დიდი შოკი იყო ჩემთვის, რომ ცრემლიც კი მამადგა თვალებზე და რამდენიმე წამი ხმას ვერ ვიღებდი გაოცებისგან. ეს იყო ჯონ გალიანოს კოლექციის ჩვენება.

**- რამ განაპირობა თქვენი არჩევანი?**

- მიუხედავად ხელოვნების სიყვარულითა, ჩემს ბავშვობაში ქვეყანაში არსებული


სო ახალი გზის დასაწყისში. ასე დაიბადა „ლილეპოპი“, ბრენდი, რომლის მეშვეობითაც ვცდილობ, თითოეული ქალბატონის გულში შევალწიო და ჩემი ფერადი სამყარო გავეუზიარო.

**- როდის გაგიჩნდათ სხვადასხვა აქსესუარის შექმნის სურვილი?**

- მათ ყოველთვის ვქმნიდი, სკოლაშიც და შემდეგაც. მუდმივად განსხვავებულის ძიებაში ვიყავი, თუმცა, სერიოზულად არ მიფიქრია, ეს ყველაფერი საქმიანობად მექცია. მას შემდეგ, რაც პატარა ლილე დაიბადა, ჩემი ცხოვრება, ღირებულებები და მიზნები შეიცვალა. უფრო მეტად დავიწყე ფიქრი სიყვარულზე, ემოციებზე, რა გვსურს ცხოვრებისგან, სად ვართ და სად გვინდა ვიყოთ. მივხვდი, რომ ჩემი ოცნებები სხვაგან იყო, მე კი სხვა რეალობაში ვცხოვრობდი.

**- „ლილეპოპის“ შესახებ მოგიყვებით - რას უკავშირდება ეს სახელწოდება?**

- გადავწყვიტე, საკუთარი ფანტაზია რეალობად მექცია და სხვისთვისაც მეჩვენებოდა.



**- რა ქსოვილს იყენებთ მუშაობისას? ხაზი მინდა გავუსვა იმასაც, რომ საკმაოდ ხელმისაწვდომი ფასები გაქვთ, რაც დღეს იშვიათობაა...**

- ვცდილობთ, ჩვენი ნამუშევრები მაქსიმალურად საუკეთესო იყოს, ასევე საუკეთესო - ფასთან კომპინაციაში. მომხმარებლების შეფასებები კი ჩვენთვის მთავარი მოტივაციაა. გვიხარია, რომ მათი უმრავლესობა, პირველი კოლექციიდან პროდუქტის შექმნის შემდეგ, ჩვენი ერთგული მომხმარებელი გახდა და ბევრი სხვა მომხმარებელიც შექმნა „ლილეპოპს“. ხარისხის გარდა, იმაზეც ვფიქრობთ, როგორ შევარჩიოთ ისეთი ქსოვილი, რომელიც ზუსტად შეესაბამება ჩვენს აქსესუარებს. ტანსაცმელთან შედარებით, აქსესუარის დამზადებისას ბევრი ნიუანსია გასათვალისწინებელი - ქსოვილის გამძლეობა, ფორმა, რამდენად არის შესაძლებელი მასზე ნაქარგის დატანა და ასე შემდეგ.

**- კიდევ რომელი სფერო გიზიდავთ?**

- უამრავი სფერო მაინტერესებს, რაც მიღებული განათლებიდანაც კარგად ჩანს. ბევრს გაუკვირდება, როგორ შეიძლება გიყვარდეს და გაინტერესებდეს ხელოვნება და პოლიტიკა ერთდროულად, თუმცა ჩემს შემთხვევაში, ეს ნამდვილად ასეა. პოლიტიკა არ შეიძლება განყენებულად განვიხილოთ, ის ყოველდღიურად ჩვენი ნაწილია და ჩვენს ცხოვრებას, მომავალს ქმნის. ჭრჭრებით, ოცნებად მაქვს და ალბათ, შევძლებ რეალობად ვაქციო საგანმანათლებლო ფონდის შექმნის იდეა. მისი მეშვეობით ქართველი ახალგაზრდებს ხელს შევუწყობ განათლების გაღრმავებაში, სანტიტრესო გამოცდილებების გაზიარებასა და მიღებაში. იმედი მაქვს, მომავალში მექნება საკმარისი ფინანსური რესურსი, ეს ყველაფერი რეალობად ვაქციო.

**- თქვენი აზრით, რა არის წარმატების ფორმულა?**

- წარმატება არის აკეთო ის, რაც გაბედნიერებს. ფორმულა კი არის ერთადერთი რამ - უსმინო საკუთარ თავს, მიჰყევ მას, არ დაინებდე, არ დაიზარო, ბევრი იზრომო ამ გზაზე. მერწმუნეთ, აუცილებლად მიიყვანთ თქვენი ბრძოლა ბოლო გაჩერებაზე - სტუმრად ბედნიერებასთან.



ყველას კარგად გვახსოვს 90-იანი წლები როგორი შეზღუდული რესურსების პერიოდი იყო. თითქმის შეუძლებელი გახლდათ საკუთარი ოცნებისთვის ფრთები შეგვესხა, ყველა სტანდარტულად, დინებას მივყვედით. წარმოუდგენელი იყო, ხელოვნება საკუთარ პროფესიად გექცია, შინაგანი პროტესტი ყოველთვის მქონდა, ესეც ოჯახისგან ვისწავლე. ოჯახი იყო ის თავხედადარი, რომელიც ჩემს სულს ნამდვილად სჭირდებოდა. ბავშვობის ოცნებების ახდენას დაგვიანებით შევუდექი, თუმცა, ალბათ, „სჯობს გვიან, ვიდრე არასდროს“.

**- ერთ-ერთი ყველაზე მძაფრი მოგონება...**

- პატარაობიდანვე მიტაცებდა მოდა, ტანსაცმელი, რომელიც ჩემთვის მხოლოდ შესამოსელ ფუნქციას არ ატარებდა, ის გარკვეულწილად თვითგამოხატვის საშუალება იყო. ესკიზებს ვხატავდი, ძირითადად, სა-

ვითარებიდან გამომდინარე, უფრო „პრაქტიკული“ პროფესიის არჩევა გადავწყვიტე. საკმაოდ წარმატებულად გავაგრძელე ჩემი კარიერა, სახელმწიფო გრანტებით დავასრულე უმაღლესი განათლების ორივე საფეხური. აქტიური სამოქალაქო სექტორში, დაინტერესებული ვიყავი პოლიტიკით, წლების განმავლობაში ვიცვლიდი სამსახურებს, ვისწავლე საზღვარგარეთ. უკვე საჯარო პოლიტიკისა და პოლიტიკური მეცნიერებების მაგისტრის დიპლომებთან, საკუთარ პროფესიაში შემიძღვ საფეხურზე გადასვლის ნაცვლად, გადავწყვიტე, ცხოვრებაში ერთხელ მაინც ის გამეკეთებინა, რაც ყველაზე მეტად მსურდა. ავეყვი გულის კარნახს, მივატოვე სამსახური ერთ-ერთ უმაღლეს საგანმანათლებლო დაწესებულებაში და დავუბრუნდი პატარა ანას, რომელიც ფერადი სამყაროს შექმნას ცდილობდა. აქ ვარ დღეს, საინტერ-

ნა. ბავშვების ტანსაცმლის მინიკოლექცია შევქმენი, შემდეგ უკვე აქსესუარები შევამატე. მას შემდეგ, რაც დადებითი გამოხმაურება მოჰყვა ჩემს მცდელობას, უფრო ინტენსიურად გავაგრძელე მუშაობა. საბოლოოდ, ამან ჩემი ძირითადი საქმიანობა ჩანაცვალა და უკვე პროფესიის შეცვლა მომიხდა. სახელწოდება „ლილეპოპი“ ორი სიტყვის კომპინაციაა: „ლილე“ და „ლილეპოპი“. ლილე ჩემი შვილის სახელია, ლილეპოპი კი ბავშვების საყვარელი კანფეტი. რადგან თავდაპირველად მხოლოდ ბავშვების სამოსზე ვმუშაობდი, უფრო საბავშვო სახელზე დავიწყე ფიქრი და საბოლოოდ ამ კომპინაციამდე მივდი. ახლა გაიზარდა ბრენდი და ქალების აქსესუარებსაც ვამზადებ, თუმცა უკვე ამ სახელით გვეცნობენ და თან პოზიტივთან, ფერადობასთან ასოცირდება. ალბათ, არ შევუცვლი სახელს.

## მალე დაისადგუროს მშვიდობა - ეს ყველას ნატვრაა

მანანა პიპიშვილი 598 24 94 97

**უკრაინისა და საქართველოს მეგობრობა ათწლეულებს ითვლის. ბევრი რამ აკავშირებს უკრაინელს და ქართველ ხალხებს ერთმანეთთან. ბათუმის ზღვისპირა პარკში უკრაინელი ერის სამაჟო შეილებს ლესია უკრაინკასა და ტარას შევჩენკოს ბიუსტები დგას, სადაც სადღესასწაულო დღეებში ხშირად იკრიბება საზოგადოება, პატივს მიაგებენ მათ ხსოვნას**

გუშინაც ასე იყო - ავტობუსი მიუხედავად, საზოგადოებამ დიდი უკრაინელი კობზარის დაბადების 208-ე წლისთავი აღნიშნა. შეკრებები უკრაინაში მიმდინარე მოვლენებს გამოეხმაურნენ. დავემს რუსეთის აგრესია, ოკუპანტ ქვეყანას მოუწოდეს, რაც შეიძლება მალე გაიყვანოს ჯარები მშვიდობიანი ქვეყნიდან.

ბათუმის ქართულ-უკრაინული კულტურულ-საგანმანათლებლო საზოგადოება „ედნის-ტის“ თავმჯდომარე ნატალია მიროშნიჩენკომ დიდი კობზარის ცხოვრებასა და მოღვაწეობაზე ისაუბრა, წაიკითხა მისი ლექსები.

- უკრაინელი ხალხის დიდი შვილი ჩვენთვის მუდამ ცოცხალია. ბათუმში მცხოვრები უკრაინელები ლხინშიც და ჭირშიც მოვდივართ აქ, პატივს მივაგებთ მის ხსოვნას. მან ანდერძად დაგვიტოვა - გვიყვარდეს ერთმანეთი, შევისწავლოთ არა მხოლოდ უკრაინული, არამედ მსოფლიოს ყველა ენა. ძალიან უყვარდა სამშობლო, მისი ლექსები ახლაც აქტუალურია. არ შემიძლია, არ შევეხო იმ მოვლენებს, რაც უკრაინაში ხდება. ჩვენ ვე-

მადლიერებით საქართველოს მთავრობას. ჩვენი თანამემამულეებისადმი დიდ ყურადღებას იჩენენ ბათუმელები. პოეტი დავით თედორაძე ერთ-ერთი პირველი იყო, ვინც მათ საკუთარი სახლი შესთავაზა, ასევე - ჩოხოსანთა თავკაცმა თენგიზ თავდგირიძემ... არაერთი რესტორანი და კაფე გვეხმანება, გვთავაზობენ დახმარებას, მათ შორისაა რესტორანი „უკრაინა“. მადლობა ქართველ ხალხს უკრაინის, უკრაინელი ხალხის ასეთი სიყვარულისთვის. ყოველთვის ვამბობდი, რომ ჩვენი ძალა ერთობაშიაა. დაე, მალე დაისადგუროს მშვიდობა, ეს ყველას სურვილია, ამისთვის ჩვენ, ყველანი გლოცულობთ, - გვითხრა ნატალია მიროშნიჩენკომ.

- მთელი პროგრესული საზოგადოება დგას უკრაინის გვერდით. ჩვენ ადრეც მოვდიოდით აქ, მაგრამ დღევანდელი შეკრება გამორჩეულია. გვსურს, რაც შეიძლება მალე დამთავრდეს ეს საშინელი დღეები, - განაცხადა ბათუმის მერიის საერთაშორისო დეპარტამენტის უფროსმა გელა ბოლქვაძემ.

- სიმართლე აუცილებლად გაიმარჯვებს. ის ერი, რომელიც დღეს ერთ მუშტად შეკრული დგას და იცავს თავის სამშობლოს, აუცილებლად გაიმარჯვებს. დღეს ამ ხალხის გვერდით დგომა და თანაგრძობა აუცილებელია, - აღნიშნა ბათუმის კულტურის ცენტრის დირექტორმა ირაკლი შაფათავამ.

- ტარას შევჩენკო უკრაინელი ხალხის ერთ-ერთი სახეა. ტრადიციას არ ვარღვევთ. ყოველ წელს მივაგებთ პატივს ლესია უკრაინკასა და ტარას შევჩენკოს ხსოვნას. დღეს ომია უკრაინაში. სამწუხაროდ, ომი, ტყვია

არ არჩევს ბავშვს და მოხუცს. ეს ტრაგედიაა, კატასტროფა... იმედი გვაქვს, მალე შეჩერდება სისხლისმღვრელი ომი, - თქვა ბათუმის საპატო კონსულმა როსტომ კონცელიძემ.

- რამდენიმე წელია, აქ ვცხოვრობ, უკრაინის მოქალაქე ვარ, მეუღლე ნახევრად ქართველი მყავს. თავად ყირიმიდან ვარ. ყოველთვის ვთვლიდი და ვთვლი, რომ ყირიმი უკრაინის მიწაა. ძალიან მიყვარს საქართველო, უკრაინაში საშინელი დღეებია. მე იქ ახლობლები მყავს - ხერსონის ოლქში. უკვე მეოთხე დღეა, მათ შესახებ არაფერი ვიცი.

ოდესაში ჩემი ნათესავები სარდაფში იმალებიან. ვფიქრობ, რაც იქ ხდება, არა მხოლოდ პოლიტიკოსების, არამედ რუსი ხალხის ბრალიცაა, რადგან ისინი არ გამოდიან და არ აპროტესტებენ მათი მთავრობის უმსგავსო ქმედებას, სისხლიან რეჟიმს, ზოგს კი უხარია და ამართლებს ამ ომს. როგორ შეიძლება უდანაშაულო ადამიანების სიკვდილის გამართლება, ამდენი სისხლი მათ კისრზეცაა. უფალოა ქნას, მალე დამდგარიყოს ასე ნანატრი მშვიდობა, - გვითხრა იულია მედვედევა.

